

## Ro Mataana Kana Ta Petrus Ibeede

<sup>1</sup> Nio Petrus, ngonjana ki Yesu Krisi. Anbeede ro ti ima piom wal tau kombot lenaleja pa lele pakan ki Pontus, Galesia, Kapadosia, Asia, mi Bitinia, mi Anutu ipeikat yom ma kewe lene kek. Niom tina kewe leembe men pa toono ti.✧

<sup>2</sup> Tamen Tamanda Anutu leleene iur piom ta munju kek be ikam yom ma kewe lene, mibe uraata ki Bubujana itooro yom ma kewe potomjoyom. Naso koto Yesu Krisi, mi ni sinjiini ipus yom ma kengeeze.✧

Kampejana mi mbotjana ambainjana ta Anutu ikamam piti i ko izze tiom ma biibi. Nonoono.

*Anutu ikam ti ma tewe poponanda, tanata tu'urur matanda pa mbotjana mata yaryaraanana*

<sup>3</sup> Iti tapakur Anutu tau Merere kiti Yesu Krisi Tamaana na. Pa ni imunjai iti biibi, mi ipei Yesu Krisi ma imanga mini pa naala, bekena ikam ti ma tewe poponanda. Naso zanda be takam mbotjana mata yaryaraanana. Tanata koozi tu'urur matanda pa mbotjana tana ma tombotmbot.✧

<sup>4</sup> Matamur ambainjana ta Anutu iur piom be kakam, ina ingeeze men. Mi irao isaana, som imap na som. Pa Anutu itunu imborro ma izza yom ta saamba a.✧

---

✧ **1:1:** Pil 3:20; Ibr 11:13+; 1Pe 1:17 ✧ **1:2:** Ro 8:29; 2Tes 2:13; Ibr 12:24 ✧ **1:3:** Yo 3:3; Ep 1:17+; 1Pe 1:23+ ✧ **1:4:** Kol 1:5,12; 2Tim 4:8

<sup>5</sup> Mi urlañana tiom ta iwe zaala piom ma Anutu mburaana iporoukalkaala yom. Mi ni ko ikamam ta kembei ma irao kere kat ulaaña biibi tabe ni iswe ma ipet mat pa mbeñ kaimer i. Ulaaña tana, ni iparañrañ piom pataaña kek.✧

<sup>6</sup> Nonoono. Koozi, niom ko leleyom ipata. Pa ingi toomboñana matakiña izze tiom. Tamen toomboñana tana, Anutu imborro. Mi ko imbot ma molo som. Mi niom kakamam ngar pa Anutu muñaiñana kini mi koron ambaiñana ta ku'urur motoyom pa i, tanata ikam yom ma leleyom ambai ma ambai kat.✧

<sup>7</sup> Kere: Pat gol, ina koron zaanañana. Tamen irao imbot ma alok na som. Sombe tiurpe, na tineneene pa you, beken a ikan ka muk ma ila lene mi ingeeze kat. Mi urlañana tiom na, koron biibi kat. Ilip pa gol. Tanata Anutu izem toomboñana pakan ma tiwedet piom, beken a itoombo urlañana tiom mibe ipengeeze, kembei ta you ikamam pa gol na. To urlañana tiom iwe koron nonoono. Mi sombe Anutu iswe Yesu Krisi ma ipet mat, nako ipakur yom ma zoyom iwe biibi.✧

<sup>8</sup> Nonoono, niom kere Krisi ki motoyom pasa zen. Tamen kuurla kini mi ku'urur kat leleyom pini. Mi ina ta ikam yom ma tau leleyom ndabok ma ndabok kat! Sombe koso sua pa, na som. Pa sua sa irao som.✧

<sup>9</sup> Pa niom kuurla kembei kaimer, Anutu kola ikamke yom. Mi kerre tenten ka nonoono kek.✧

---

✧ **1:5:** Yo 10:28+, 17:11+; Yud 1 ✧ **1:6:** Mt 5:12; Ro 12:12; 2Kor 4:17, 6:10; 1Pe 5:10 ✧ **1:7:** Mbo 66:10+; 1Kor 3:12+; Yems 1:3  
 ✧ **1:8:** Yo 20:29; 2Kor 5:7; Ibr 11:27 ✧ **1:9:** Ro 6:22

*Munġu Anutu kwoono bizin tizzo sua pa uraata ki Kriſi*

<sup>10-11</sup> Ulaaġa biibi mi kampeġana tabe Anutu ikam piom i, munġu Anutu kwoono bizin tizzo ka sua. Mi tirru ka nġar mi tikamam kinkiini be tiute kat ka uunu. Ko Anutu ikamke zin tomtom nġiizi? Mi uraata tana ko ipet be parei? Pa Bubunġana ki Kriſi ta imbotmbot la lelen na, ipatoonġo zin pa, mi izzo zin ta kembei: Kriſi, ni kola ibaada pataġana boozomen mi ire yoyounġana, mi kaimer to ikam zaana biibi.✧

<sup>12</sup> Mi Anutu iswe nġar kini turkeġana pa kwoono bizin ma iso zin ta kembei: Sua kizin tana ko irao iur nġonoona pa mazwaana kizin na som. Ko imbot ma mazwaana kiti, to iur nġonoona. Sua tana imbot la uruunu ambainġana ta tisoyaara piom. Bubunġana Potomġana ta imbot saamba mi Anutu inġo i ma isu, ta ipombol zin tomtom ma tiso yom pa. Mi kere. Kampeġana tabe ise tiom i, zin aġela lelen ilip be tiute tomini.✧

*Iti tewe Anutu wal kini kek. Tana matanda inġal be takam mbulu potomġana men*

<sup>13</sup> Tana kuurpe nġar tiom, kagabizbiizi ituyom, mi ku'urur kat motoyom pa kampeġana biibi tabe ise tiom i. Kampeġana tana, Yesu Kriſi isombe imiili ma imar, to ipet kat mat.✧

<sup>14</sup> Munġu, niom kakankaana pa Anutu, tana niyom izzo pa koronġ soroksorok boozo. Mi inġi kewe Anutu lutuunu bizin ta tilenleġ la sua kini

---

✧ **1:10-11:** Un 49:10; Mbo 22; Yesa 53; Mt 13:16+; Lu 24:26+; 2Pe 1:21 ✧ **1:12:** Nġo 2:4,11; Ep 3:8+; Ibr 11:13,39+ ✧ **1:13:** Lu 12:35, 21:34; Ro 13:13; Ep 6:14; 1Tes 5:6+

na kek. Tana kezem leleyom sananņana ma ikam peeze piom mini pepe.✠

<sup>15-16</sup> Pa Anutu ta iboobo yom ma kewe lene na, ni potomņana. Tana niom ta kembena, kakam mbulu ta potomņana men. Bela mbulu tiom ipa ndel, mi kewe Anutu lene kat. Pa tibeede sua pataaņa kek ta kembei:

Nio potomņoņ. Tana niom ta kembena. Kewe potomņoyom.✠

<sup>17</sup> Anutu ta kuzuņzuņ pini mi kawatwaati be Tomoyom na, ni ilae ki tomtom sa som. Sombe itiiri zin tomtom, na iurur kadoono pa tomtom ta boozomen ikot mbulu kizin kizin. Tana mazwaana ri ta so kombotmbot su toono ti, na komoto i mi kelerņ la kalņaana. Pa toono ti, kar tiom ņonoono som. Inņi kewe leembe pa men.✠

### *Anutu inņiimi iti pa Krisi siņiini ma tewe lene*

<sup>18</sup> Muņgu, niom kototo mbulu soroksorok ki tumbuyom bizin ta ņonon somņan i. Tamen Anutu inņiimi yom ma kewe lene, tana kamap pa mbulu tana kek. Mi niom kuute: Koron ta ni inņiimi yom pa na, ina izanzaana kembei ta gol ma silba na som.✠

<sup>19</sup> Kadoono ta ni inņiimi yom pa na, biibi mi zaanaņana kat. Pa kadoono tana na, Krisi itunu siņiini. Ni kembei sipsip lutuunu ndabokņana kat. Koronņana sa isaana som.✠

---

✠ **1:14:** Ro 12:2; Ga 5:16+; Ep 2:3, 4:17+ ✠ **1:15-16:** Wkp 11:44+; Mt 5:48; Lu 1:74+; 2Kor 7:1; Ibr 12:14 ✠ **1:17:** Ro 2:11; Pil 2:12, 3:20; Ibr 11:13+ ✠ **1:18:** 1Kor 6:20 ✠ **1:19:** Kam 12:5; Yo 1:29+; Nņo 20:28; 1Kor 5:7; Ibr 9:12+; Tur 5:9

20 Munḡu kat, indeeḡe Anutu iur saamba mi toono zen na, leleene iur pa Kriṣi kek, be iḡḡo i ma imar mi ikamke iti. Mi indeeḡe mazwaana kaimer kana ta tiḡḡi na, Anutu iswe i ma ipet mat bekena iuulu yom.✠

21 Mi ipei Kriṣi ma imaḡḡa mini pa naala, mi ipakuri ma zaana iwe biibi kek. Mi Kriṣi ta iwe zaala piti ma tuurla ki Anutu. Tana iḡḡi urlaḡḡana tiom ila ki Anutu, mi kapase pini, mi ku'urur motoyom pa koronḡ ambaiḡḡana tabe ni ikam piom i.✠

*Tuur kat lelende pizin tonmatiziḡ kiti ta ki Kriṣi i*

22 Niom kakan la sua ḡonoono mi koto kek. Mi ina ikam yom ma leleyom iḡḡeeze, mi ku'urur leleyom pizin tonmatiziḡ tiom ta ki Kriṣi i. Tana motoyom iḡḡal be kikiskis kat mbulu ki lelende par piti. Bela kuur kat leleyom pizin tonmatiziḡ tiom ta ki Kriṣi i. Kakam pakaamḡḡana pa pepe.✠

23 Pa koronḡ ta Anutu ipaaza sula leleyom, ta itooro yom ma kewe popoḡḡoyom kek. Koronḡ tana irao be isaana, som imap na som. Pa ina Anutu sua kini mata yaryaaraḡḡana tabe imbot ma alok i.✠

24 Ka sua imbot pataaḡḡa kek ta kembei:  
Tomtom ta boozomen, zin kembei ta mbutmbu-  
utu.  
Mi koronḡ boozomen ta ikam zin ma zan bibip, ina  
kembei ta manman pwoono.  
Mbutmbuutu imelle, mi manman pwoono titop-  
top.

---

✠ **1:20:** Ga 4:4; Ep 1:4; Kol 1:26; Ibr 9:26 ✠ **1:21:** Yo 14:6; ḡḡo 2:24; Pil 2:9 ✠ **1:22:** Yo 13:34+; Ro 12:9+; 1Tim 1:5; 1Yo 3:18

✠ **1:23:** Lu 8:4+; Yo 1:13; Yems 1:18; 1Yo 3:9

25 Tamen Merere sua kini, ina imbol mi imbotm-  
bot ma alok.✧  
Sua tana imbot la uruunu ambaijana ta tisoyaara  
piom.✧

## 2

*Takam kinkiini pa kini ambaijana ta ki Bubujana  
i*

1 Tana kezem mbulu sananjan ta boozomen ma  
timboren lup, mi kamap pa mbulu pakaamjan ta  
boozomen. Mi mbulu ambaijana ta so kakam, na  
kakam kat raama leleyom. Kakam pakaamjana  
pa bekena tomtom tire mi tiwit uruyom pa na  
pepe. Mi motoyom mburmbur mini pepe, mi  
kipiri sua sananjana sa pizin tomtom mini pepe.✧

2 Ku'urur leleyom pa kini nonono ta ki  
Bubujana i, kembei ta pikin sijsinjan lelen ilip pa  
tui ki nan bizin. Naso urlajana tiom izze, mi ila ila  
ma kewe kolman pa, mi kere ulaaja ki Anutu iur  
nonono piom.

3 Pa niom kotoombo Merere kampana kini mi  
kayamaana ka mbuyeene kek.✧

*Wal ki Krisi tiwe kembei Urum Merere be  
Bubujana imbot lela*

4 Tana kamarmar koloujana pa Krisi bekena  
ipombol yom. Pa ni kembei pat mboljana ta mata  
yaryaraajana i. Nonono, tomtom tititi. Mi Anutu,  
ni ire i kembei ni zaanaajana, mi leleene pini ilip.  
Mi ni ta ipeikati pa uraata kini.✧

---

✧ **1:25:** Mbo 90:5+, 103:15, 119:89; Yems 1:10+ ✧ **1:25:** Mt 5:18,  
24:35; Yo 1:1,14; 1Yo 1:1+ ✧ **2:1:** Mt 23:5+; Ep 4:22,25; Kol 3:8+; Ibr  
12:1; Yems 1:21 ✧ **2:3:** Mbo 34:8; Ibr 6:5 ✧ **2:4:** Mbo 118:22; Mt  
21:42

<sup>5</sup> Niom tomuni kewe kembei pat mata yaryaaranan ta Anutu iwwo urum kini pa be Bubunana imbot lela. Naso kewe potomjoyom, mi kewe kembei patoronjana ka tomtom bizin. Mi Yesu Krisi ko iwe zaala piom be kakam patoronjana ta Anutu leleene pa i. Patoronjana tana na, mbulu ta Bubunana ipiyotyooto i.✠

<sup>6</sup> Ka sua ta tibeede pataanja kek:

Re. Nio anur pat zaananana ta isu abal Sion.

Pat tana, nio itun anpeikati be iwe pat mataana kana mi ruumu mbuleene ise.

Mi zin tomtom ta so tipase pini mi tiurla kini, na tasa ko ka mian na som.

Zin ta boozomen ko nin se. Pa zin kola tire urlanana kizin ka nonoono.✠

<sup>7</sup> Niom wal ta kuurla na, kere pat tana kembei koron biibi mi koron nonoono. Mi zin wal tau lelen be tiurla kini som na, sua lwoono ru indeenje kat zin:

Pat tau zin ruumu ponana kan matan repiili mi tipiri lae lene na,

pat tamen tana ko iwe pat mataana kana be ruumu mbuleene ise.✠

<sup>8</sup> Pat tana, tomtom pakan ko titutkat kumbun la, mi tisursur ma tila.

Mi pakan na, pat tana ko ikam zin ma titoptop.

Titoptop paso, tizorzooro Anutu sua kini. Mbulu tana, Anutu iur pizin pataanja kek.✠

---

✠ **2:5:** Kam 19:6; Ro 12:1, 15:16; 1Kor 3:16; Ep 2:21+; Ibr 13:15+; Tur 1:6 ✠ **2:6:** Yesa 28:16; Ro 9:33; Ep 2:20 ✠ **2:7:** Mbo 118:22; Mt 21:42 ✠ **2:8:** Yesa 8:14+; Lu 2:34, 20:18; Ro 9:22,33; Yud 4

*Anutu wal kini tiwe kembei patoronḡana ka tomtom bizin ta timbesmbeeze pa king biibi*

<sup>9</sup> Mi niom na, Anutu ipeikat yom, mi ikam yom ma kewe wal tamen kek. Niom kembei patoronḡana ka tomtom bizin ta timbesmbeeze pa king biibi. Mi niom wal potomḡoyom, mi Anutu itunu wal kini. Ni iboobo yom ma kezem zugut ka mbulu, mi kelela mat kini ndabokḡana leleene kek, bekena kosoyaara mbulu kini ndabokbokḡan ta ni ikamam piom na.✧

<sup>10</sup> Muḡgu niom kewe Anutu wal kini som. Mi koozi, ni ilup yom ma kewe wal kini potomḡan. Muḡgu, kakam muḡaiḡana kini som. Mi koozi na, kakam muḡaiḡana kini kek.✧

*Tapa pai kiti ma ambai men pizin wal tau tiurla som na matan*

<sup>11</sup> O niom wal tio, toono ti, iḡgi kar tiom ḡonoono som. Iḡgi kewe leembe pa men. Tana aḡso aḡpombol yom be kamap kat pa mbulu sananḡan boozomen ta niyom izze pa i. Pa mbulu mi ḡgar ta kembei, ta ipasansaana kunuyom mata yaryaaraḡana.✧

<sup>12</sup> Motoyom iḡgal be kapa pai tiom ma ambai men pizin wal tau tiute Anutu som na matan. ḡonoono, zin tiḡgalḡgal sua piom ma tizzo niom kakamam mbulu sananḡana. Tamen sombe tire mbulu ambaimbaiḡan ta kakamam, inako ikam ma titooro lelen. To Anutu isombe imar be iur

---

✧ **2:9:** Kam 19:5+; Kol 1:13; Tur 5:10 ✧ **2:10:** Ro 9:25+ ✧ **2:11:** Mbo 39:12; Ro 8:13; Ga 5:16+; Pil 3:20; Ibr 11:13+; Yems 4:1



kadoono pizin tomtom, na zin tomuni ko tipakur zaana.✠

*Tombot la zin bibip kopon mbarman  
(Ro 13:1-7; Ep 5:22-6:9; Kol 3:18-4:1)*

<sup>13</sup> Wal boozomen ta tiur zin be tikam peeze piti na, niom kozo kombot la kopon mbarman mi kototo tutu kizin. Pa niom kewe Merere lene kek. Tana Kaisa ki Rom na, kombot la kopon mbarmana.✠

<sup>14</sup> Mi zin wal ta ni iur zin be timboro lele pakan, mibe tiur kadoono pizin wal sananjan, mi tipakur zin wal ambaimbaijan na, zin tomuni, kozooro zin pepe. Kombot la kopon mbarman.

<sup>15</sup> Pa Anutu, ni leleene be kakam mbulu ambaijana men. Naso kupumun zin wal ta tingalngal sorok sua piom i kwon, ma sua kizin kankaanajana tana imap.✠

<sup>16</sup> Nonoono, Kresi ikam yom ma kewe mbesoono mini som. Mi kere: Kokena koso ta kembei: “O, inji anjboro itu. Tana sombe lelej be anjam mbulu sananjana sa, na irao anjam.” Kakam njar kembena pepe. Bela kakam mbulu tiom kembei Anutu mbesoono kini.✠

<sup>17</sup> Tana leyom nger pa tomtom ta boozomen, kuur leleyom pizin tonmatizij tiom ta ki Kresi i, komoto Anutu mi kelej la kaljaana, mi leyom nger pa Kaisa ki Rom.✠

*Sua ta ila pizin mbesoono  
(Ep 5:22-6:9; Kol 3:18-4:1)*

✠ **2:12:** Mt 5:16; Ro 12:17; 2Kor 8:21; Pil 2:15; Tit 2:8; 1Pe 3:16

✠ **2:13:** Mt 22:21; Tit 3:1 ✠ **2:15:** Tit 2:8; 1Pe 2:12, 3:16 ✠ **2:16:**

Ro 6:18; 1Kor 7:22; Ga 5:13; 2Pe 2:19 ✠ **2:17:** Tut 24:21; Mt 22:21;

Ro 12:10; Ibr 13:1; 1Pe 1:22

18 Niom mbesoonjo na, kokototo ituyom, kombot la bibip tiom kopon mbarman, mi leyom nger pizin. Sombe zin ambaimbaijan mi tizzo sua lumuņana piom, som zin sananņan mi tikeke piom, na tonjo. Kombot la kopon mbarman, kembeeze pizin, mi leyom nger pizin.✧

19 Pa tomtom sa, sombe ikamam njar pa Anutu, mi iwe le uunu be tomtom tiseeze sorok mataana mi tikam yoyouņana pini, mi sombe ni ibaada pataņana tana ma imap, inako Anutu leleene ambai pini mi ipakuri.

20 Mi sombe kakamam mbulu sananņana, mi tibalis yom mi kabaada pataņana pa, ko tomtom sa iwit uruyom pa uunu tana? Som. Tamen sombe kakam mbulu ambaiņana mi kabaada pataņana pa, na Anutu ko leleene ambai piom mi ipakur yom.✧

### *Toto Yesu kumbu tuunu*

21-22 Pa Anutu, ni iboobo yom be kakam mbulu ta kembena. Naso koto Krisi kumbu tuunu. Kere. Krisi, ni ikam sanaana sa som, mi pakaamņana sa ipet pa kwoono som. Tamen ibaada pataņana biibi kat bekena iuulu yom. Mbulu kini tana iwe kin piom pa mbulu tabe koto.✧

23 Indeeņe ta tipiri sua sananņana pini, na ni ipekel som. Mi tibalisi ma ire yoyouņana, tamen ikam sua pamotoņana sa pizin som. Pataņana kini tana, ni izem la Anutu namaana. Pa ni ta itirtiiri zin tomtom mi iurur kadoono ndeeņeņana pizin ikot mbulu kizin kizin.✧

✧ **2:18:** 1Tim 6:1+; Tit 2:9+      ✧ **2:20:** 1Pe 3:14,17, 4:14+

✧ **2:21-22:** Yesa 53:9; Mt 16:24; Yo 13:15; Ngo 14:22; 2Kor 5:21

✧ **2:23:** Mt 27:39; Ro 12:19; 1Kor 13:5; 1Pe 3:9

24 Tana Krisi ibaada sanaana kiti, mi kuliini ire yoyouŋana sala ke pambaaraŋana, bekena tamap pa sanaana kamŋana mi takam mbulu ndeenŋana men. Zaaba ta tikam pini na, kwon murinmurin ta iurpe yom.✧

25 Munŋu niom kembei sipsip ta tisaŋsaŋ pa zaala. Mi koozi na, kotooro yom, mi kimiili ma kamar ki Krisi kek. Mi ni ta imborro yom mi mataana piom kembei ta mboronŋan kizin sipsip.✧

### 3

#### *Mbulu tabe takam pa kusindi bizin*

1-2 Mi niom moori ulaŋoyom ta kembena. Koko-toto ituyom mi kombot la kusiyom bizin kopon mbarman. Mi sombe zin pakan tizorzooro yom pa sua ki Merere, ina ambai. Kezem sua pizin. Pa zin ko tirre mae pa mbulu tiom iŋgeeze men, mi leyom nger pizin, mi komototo Anutu mi kelenlen la kalŋaana. Tana mbulu tiom ambainŋana tana ko iyaaru zin ma tiwe Krisi lene.✧

3-4 Kakam ngar biibi pa aigau mat kana be ipenŋeeze ruŋguyom pepe. Pa mbulu kembei kumbuk uteyom ruunu, som kuur aigau milmilŋana ila kuliyom, som kezeebe yom pa mburu ndabok-bokŋan, ina koron sorok ki kuliyom. Mi niom kozo kakam kinkiini pa aigau nonoono ta leleyom kana i. Pa sombe leleyom luumuŋoyom mi manenŋoyom, na mbulu tiom tina ko iwe kembei aigau nonoono piom. Aigau ta kembena, ko imbotmbot

---

✧ **2:24:** Yesa 53:5; Ro 6:10+; Ibr 9:28    ✧ **2:25:** Yesa 53:6; Mt 9:36; Yo 10:14; Ibr 13:20    ✧ **3:1-2:** 1Kor 7:14+; Kol 3:18; Tit 2:5

ma alok. Mi Anutu ire kembei koronj biibi mi koronj njonoono.✠

<sup>5</sup> Mungu zin moori ta tiwe Anutu lene mi tipase pini, mi tiurur matan pini na, tiurur aigau ta kembena. Pa tikototo zitun mi timbotmbot la kusin bizin kopon mbarman.

<sup>6</sup> Kakam ngar pa Sara. Ni ilenlej la kusiini Abaraam kaljaana, mi iwatwaati be biibi kini. Mi niom kewe ni lutuunu moori bizin kek. Tana kakamam mbulu ambaijana men. Mi sombe koronj pakan ikam yom ma komoto, na kakam ngar pa pepe. Kapase pa Anutu. Naso koto Sara pa mbulu kini.✠

<sup>7</sup> Mi niom tomooto ta kembena. Kombotmbot raama kusiynom bizin na, kakam ngar pizin mi leyom nger pizin. Kokena kakam njoobo mbulu pizin, to ipakaala sunjana tiom. Pa niom kuute: Zin mburan biibi som. Tamen zin tomini zan be tikam kampejana ki Anutu mi mbotjana mata yaryaraanana kembei ta niom na. Tana kakam kat mbulu pizin.✠

*Krisi wal kini bela tilup lelen mi ngar kizin ma iwe tamen*

<sup>8</sup> Ayo. Ingi be anpemet sua tio. Niom ta boozomen bela kulup leleyom mi ngar tiom ma iwe tamen. Sombe tomtom tiom pakan lelen ipata, na kagaaba zin pa patanjana kizin. Mi sombe lelen ambai, na niom tomini leleyom ambai. Ku'urur leleyom par piom kembei ta

---

✠ **3:3-4:** 1Tim 2:9+ ✠ **3:6:** Un 18:12 ✠ **3:7:** 1Kor 7:3; Ep 5:25; Kol 3:19; 1Tes 4:4

zin tonmatizin, mi kaparkampewe yom, mi kaparmunjanjai yom. Mi kakam ngar biibi pa ituyom zoyom pepe. Kokototo ituyom.✧

<sup>9</sup> Mbulu sananņana na, kopokot pepe. Mi sombe wal pakan tipiri sua sananņana piom, na kepekel pepe. Kusun Anutu be ikampe zin. Pa Anutu iġoobo yom ma kewe lene bekena kakam mbulu ta kembena. Naso kampeņana kini ise tiom.✧

<sup>10</sup> Pa sua imbot pataņa kek ta kembei: Tomtom ta so leleene be imbot ambai su toono ma molo, raama leleene ambai, na bela imboro kat kwoono.

Kokena sua sananņana sa, som pakaamņana sa ipet pa kwoono.✧

<sup>11</sup> Mi bela ipizil ndemeene pa mbulu sananņana, mi ikam mbulu ambaiņana men.

Mi ikam kinkiini pa mbulu luumuņana, mi iru zala be ziņan tomtom ta boozomen tiparlup zin ma timbot ambai.✧

<sup>12</sup> Pa wal ndeeņeņan na, Merere mataana pizin. Tamen zin wal ta tikamam mbulu sananņana na, ni iurur koi pizin.

*Sua ta ila pizin wal ta tibaada patanņana pa Krisi zaana*

<sup>13</sup> Niom sombe kakam kinkiini pa mbulu ambaiņana, na asiņ ko irao be ipasaana kat yom? Som.✧

<sup>14</sup> Tamen sombe kakam mbulu ndeeņeņana mi tiseeze motoyom pa, na leleyom ambai men. Pa kampeņana ki Anutu ko imbotmbot se tiom.

---

✧ **3:8:** Lu 6:36; Ro 12:10,16; Pil 2:1+; Kol 3:12 ✧ **3:9:** Mt 5:44; Ro 12:14; 1Tes 5:15 ✧ **3:10:** Mbo 34:12+; Yems 1:26 ✧ **3:11:** Mbo 37:27+; Yesa 1:16+; Ibr 12:14 ✧ **3:13:** Ro 8:35+

Tana sombe tomtom tikam mbulu sa be tipamoto yom, na komoto pepe. Mi kakam n̄gar boozo ma kopoyom irru pa pepe.✧

15 Kakam Kriſi ma iwe biibi pa leleyom. Mi ku-urpe n̄gar tiom pa mazwaana ta boozomen. Beso tomtom sa iwi yom pa uunu tau kapase pa Kriſi mi ku'urur motoyom pini, nako karao be kepekel kat wiŋana kini.✧

16 Mi motoyom ingal be koso sua luumuŋana men pini, mi leyom n̄ger pini. Mi kapa pai tiom ma ambai men pa Anutu mataana. Beso wal pakan tiŋgal sua piom, mi tipasaana zoyom pa uunu tau kewe Kriſi lene mi kototo mbulu kini, na mbulu tiom tana ko ikam zin ma kan mian̄ pa sua kizin.✧

17 Tana sombe Anutu lelene be tabaada pataŋana pa mbulu ambaiŋana ta takamam, ina ambai. Mi tere iti. Kokena takam mbulu sananŋana mi tabaada pataŋana pa. Pa mbulu ta kembei, ina ambai som. Ina tapasaana Kriſi uruunu.✧

*Kriſi, ni tomtom ndeen̄ŋana. Tamen ibaada pataŋana beken̄a ikam ti ma tala ki Anutu*

18-19 Kakam n̄gar pa Kriſi. Ni tomtom ndeen̄ŋana. Tamen ikam iti tomtom sananŋanda murindi, mi ibaada pataŋana ma ire yoyouŋana pa sanaana kiti, beken̄a ikam ti ma tala ki Anutu. Mi uraata kini tana, ni ikam pa tamen mi imap. Kaimer ko irao ikam mini na som. Tana ni isu toono ma iwe tomtom, mi tipuni ma imeete. Mi Bubun̄ana ipei i ma imaŋga mini, to ila ma ikam

---

✧ **3:14:** Mt 5:10, 10:28; 1Pe 2:20, 4:14 ✧ **3:15:** Mbo 119:46; Ngo 4:8+; Kol 4:6 ✧ **3:16:** Tit 2:8; Ibr 13:18; 1Pe 2:12 ✧ **3:17:** 1Pe 2:20

sua pizin bubuñan ta tizeebe zin lela ruumu sanaana leleene na. \*✧

<sup>20</sup> Zin bubuñan tana, ta munğu tizooro Anutu sua kini indeeñe gorgor ki Noa na. Tamen Anutu iur kadoono pizin karau som. Inamnaama Noa ma iposop woñgo poñana ma imap kat, to iur kadoono pizin. Zin wal ta tilela woñgo leleene na, boozo pe som. Wal lamata tel men. Mi yok isur zin ma tila, tabe iwe zaala pizin ma Anutu ikamke zin ma timbot ambai.✧

<sup>21</sup> Mbulu tina iwe kin pa yok kamñana ta koozi ikamkewe yom na. Ingi anso pa mbulu tau yok ise kulindi mi inğuuru muk ma isu na som. Pa yok kamñana ka ñgar ñonoono ta kembei: Anutu ipus ti ma lelende ingeeze, mi tumbuk sua be toto Anutu zaala kini.✧

<sup>22</sup> Mi ina ikamke yom paso, Anutu ipei Yesu Krisi ma imanga pa naala, mi isala pa saamba kek. Tana koozi, Krisi imbotmbot la Anutu namaana woono, mi zin anela ziñan zin bubuñan ta zanñan mi mburranñan na, timap timbot la ni kopo mbarmaana.✧

## 4

---

\* **3:18-19:** Sua ti ka ñgar imbot mat som. Tamen wal ñgarñan pakan tiso ko ka uunu ta kembei: Zin anela sananñan ta tito Sadan mi ziñan titop na, tikam zooronana biilbi kat pa gorgor ki Noa mi tipei mbulu sananñan boozo (Re Un 6:5). Tana Anutu iur zin lela ruumu sanaana be tinaama sua pa mber kaimer (re 2Pe 2:4). Indeeñe Krisi imanga mini pa naala mi isala pa saamba na, ila kizin bubuñan sananñan tana, mi isoyaara sua pizin ta kembei: Ni ilip pa Sadan mi zin kek. ✧ **3:18-19:** Ro 5:6, 8:11; 2Kor 13:4; Ibr 9:15,28; 1Pe 4:6 ✧ **3:20:** Un 6:5-7:24 ✧ **3:21:** Ro 10:10; Ep 5:26; Tit 3:5; Ibr 10:22 ✧ **3:22:** Mbo 110:1; Ro 8:34,38; Ep 1:20+

*Mbulu kizin wal tau tiwe poponjan*

<sup>1-2</sup> Tana Krisi izem itunu, mi ibaada pataņana ma ire yoyouņana pa kuliini. Mi niom ta kembena. Kakam nęar kini tana ma iwe leyom. Naso iwe kembei mburu malmal kana be ipakaala yom pa toomboņana. Pa tomtom ta so ibaada pataņana mi ire yoyouņana pa kuliini, na sanaana ko irao imboro i mini na som. Mi ko niini izze pa mbulu sananņana mini som. Ko itoto Anutu leleene. Mi ko ikamam ta kembei ma irao swoono imap.✧

<sup>3</sup> Mbulu soroksorok tau zin wal matan munņan lelen pa i, na niom kakam irao kek. Pa muņgu karao be kayaraama ituyom som, mi niyom izze pa mbulu bozboozo. Ku'urur nol, kiwinin ma kakankaana, kakamam mailaņ, kuluplup yom pa winņana, mi kembesmbeeze pizin merere pakaamņan tau tutu ki Anutu inęalsek pizin na.✧

<sup>4</sup> Mi koozi na, waeyom bizin tikamam nęar boozo piom. Pa inęi kagabgaaba zin ma niomņan kolonloondo pa mbulu kizin sananņan mini som. Tanata tiwirri sua sananņan boozo piom.✧

<sup>5</sup> Tamen Tiirinņana Katuunu tabe iur kadoono pizin wal meetenjan mi wal matan yaryaaraņan i, ni iurur mataana ma imbotmbot. Mi molo som to zin timender su kereene uunu, mi tiso uunu kizin kizin ma ileņ.✧

<sup>6</sup> Mi Anutu, ni leleene be tomtom tikam mbotņana mata yaryaaraņana kembei ta ni itunu. Uunu tina ta wal kiti pakan tileņ uruunu ambainņana muņgu, mana timeete. Timeete paso,

✧ **4:1-2:** Ro 6:2,7,11, 12:2; 2Kor 5:15; Ga 2:20, 5:24; Ibr 12:1; 1Pe 2:21

✧ **4:3:** Ro 13:12; Ep 2:2+, 4:17+; Tit 3:3 ✧ **4:4:** 1Pe 3:16 ✧ **4:5:**

ņgo 10:42; 2Tim 4:1; Yems 5:9



tomtom boozomen ki toono ti na, meeteꝓana ta iwe len kadoono pa sanaana kizin. Mi wal tana kunun na, timbot matan yaryaara.✠

*Tuurpe itundu mi matanda iᅅgal uraata ta Anutu iur mar namanda*

<sup>7</sup> Inᅅi koronᅅ ta boozomen swon igarau kek. Tana kakam kat ᅅgar, mi kagabiizi ituyom. Naso karao be kusunᅅ kat.✠

<sup>8</sup> Mi mbulu ta ilip kat na, mbulu ki lelende par piti. Tana kikiskis kat mbulu tana. Pa ina ikam ti ma matanda imbiriiꝓikaala sanaana boozomen ta tomtom tikamam piti na, ma takam ᅅgar pa mini som.✠

<sup>9</sup> Mi mbulu ki leembe kamꝓana na, niyom gesges pa pepe. Kakamam mi kikiskis.✠

<sup>10</sup> Anutu, ni ikampe yom, mi iur leyom uraata matakiᅅa ta ki Bubunᅅana i ma ikot yom tataᅅa. Tana uraata pareiᅅana ta so ni iur piom, na moyom iᅅgal be kakam mi ku'uulu zin tomtom pa. Naso kewe mbesoonᅅo ambaimbaiᅅan ki Anutu, mi kewe zaala pa waeyom bizin be kampeᅅana ki Anutu ise kizin.✠

<sup>11</sup> Tana sombe tomtom sa, ni le uraata be ikam sua ki Anutu pizin tomtom, na mataana iᅅgal be iso Anutu sua kini men. Kokena izzo pa itunu ᅅgar kini. Mi sombe tomtom sa, ni le uraata be imbeeze pizin tomtom, na bela ikam uraata tana pa mburaana ta imarmar pa Anutu na. Tana moyom iᅅgal be kakamam ta kembei. Naso mbulu tiom ta

---

✠ **4:6:** Ro 6:23, 8:10; 1Pe 3:19    ✠ **4:7:** Mt 24:13+; Lu 21:34; Ro 13:11+; Pil 4:5; 2Pe 3:9    ✠ **4:8:** Tut 10:12; 1Kor 13:7; Kol 3:14; Ibr 13:1; 1Pe 1:22    ✠ **4:9:** Ro 12:13; 2Kor 9:7; Ibr 13:2    ✠ **4:10:** Mt 25:14; Ro 12:6+; 1Kor 12:7+; Ep 4:11+

boozomen ikam zin tomtom ma tipakur Anutu pa Yesu Krisi zaana.

Krisi, ni zaana mi mburaana biibi. Mi ko imbotmbot ta kembei ma alok. Nonoono.✠

*Sombe tabaada pataņana pa Krisi zaana, na le-  
lende ipata pa pepe*

<sup>12</sup> O niom wal tio. Nonoono, ingi pataņana sananņana kat kembei ta you i itomtoombo urlanņana tiom. Tamen kumurur pa pepe. Pa ina mbulu popoņana som.✠

<sup>13</sup> Ingi kagaaba Krisi pa pataņana kini. Tana leleyom ambai mi kabaada men. Mi kaimer, sombe ni iswe mburaana mi zaana biibi ma ipet kat mat, to niom ko leleyom ndabok ma ndabok kat.✠

<sup>14</sup> Sombe tipiri sua sananņana piom pa uunu tau kezzwe Krisi zaana, na leleyom ambai men. Pa kampeņana ki Anutu ko imbotmbot se tiom mi Anutu Bubunņana ta izzwe mburaana piti i, ko imbotmbot raama yom.✠

<sup>15</sup> Mi kere. Kokena kupun tomtom sa ma imeete, som kekem, som kese leynom sua kizin wal pakan, som kakam mbulu sananņana toro sa. Pa sombe tiseeze motoyom mi kabaada pataņana pa uunu ta kembei, ina ambai som. Pa ina kapasaana Krisi uruunu.

<sup>16</sup> Tamen sombe tomtom tikam pataņana piom pa uunu tau kototo Krisi, na koyom mian pa pepe. Niyom se mi leleyom ambai pa Anutu, mi kapakuri pa Krisi zaana ta ise tiom kek na.✠

---

✠ **4:11:** 1Kor 3:10, 10:31    ✠ **4:12:** Ngo 14:22; 2Tim 3:12; 1Pe 1:6+    ✠ **4:13:** Ngo 5:41; Ro 8:17; Pil 3:10; Kol 1:24; 1Pe 1:5+; Tur 1:9    ✠ **4:14:** Mbo 89:50+; Mt 5:11, 10:22; 1Pe 2:20    ✠ **4:16:** Pil 1:20

17 Iti wal ta tewe Anutu lene kek na, nol tabe ni itiiri iti pa mbulu kiti mi iur kadoono piti i, ta imar ipet kek. Pa ni isombe ikam piti munġu, mana ikam pizin wal pakan. Mi sombe ni itiiri iti pa mbulu kiti mi iur kadoono piti, inako parei pizin wal tau tizorzooro uruunu ambainġana ki Anutu? Ko timbot? Som.✧

18 Pa sua ki Merere iso ta kembei:  
Zin wal ndeenġan na, zaala tabe Anutu ikamke zin pa i, na ipata pizin be tito.  
Mi so kembena, na parei pizin wal sananġan tau tizorzooro Anutu na? Ko mbulu pareinġana ipet pizin?✧

19 Tana, sombe Anutu leleene be niom pakan kabaada pataġana pa Krisi zaana, na motoyom inġal be kikiskis mbulu ambainġana, mi kuur ituyom ila ni namaana. Ni ko mataana piom. Pa ni ta iur yom, mi mataana inġal inġal sua kini mbukġana.✧

## 5

### *Mboronġan bela timboro kat zin sipsip ki Anutu*

1 Ayo, nio lej sua pakan pizin mboronġan tiom. Mi niom mboronġan irao kelej la kalġonġ. Pa nio tomini mboronġan kembei ta niom na. Mi pataġana ta Krisi ibaada na, ituġ anġre kat pa motonġ. Mi kaimer sombe Krisi iswe mburaana ma zaana ma ipet mat, nako itinġan tombotmbot raami lela azunġka kini leleene.✧

2 Anutu, ni iur uraata ima nomoyom kek be komboro zin sipsip kini. Tana motoyom pizin mi

---

✧ **4:17:** 2Tes 1:8 ✧ **4:18:** Tut 11:31; Lu 23:31 ✧ **4:19:** Mbo 31:5; Lu 23:46; Nġo 7:59; 2Tim 1:12 ✧ **5:1:** Ro 8:17+; Tur 1:9

komboro kat zin. Mi uraata tiom tana, kokena timañmañ yom pa ma kakam. Motoyom siñsiñ pa mi kakam raama leleyom. Naso koto Anutu leleene. Mi kakam ngar biibi pa leyom kadoono pepe. Pa ngar ta kembei, ina ambai som.✧

<sup>3</sup> Zin wal ta Anutu iur zin ima nomoyom be komboro zin na, kokoto zin, mi kapakur ituyom ma kewe biibi pizin pepe. Mbulu tiom bela iwe kin ambaijana pizin sipsip ki Anutu be tire mi tito.✧

<sup>4</sup> Beso Krisi tau mboronjan biibi nonono kizin sipsip na, imiili ma imar mi ipet mat, na niom ko kakam leyom kadoono ambaijana ta irao isaana, o imap na som. Pa niom ko kombotmbot lela azunka kini leleene ma alok.✧

*Tokoto itundu mi tezem patanjana kiti ila Anutu namaana*

<sup>5</sup> Mi niom nanjan ta kembena. Kombot la zin mboronjan kopon mbarman. Niom ta boozomen irao kakam mbulu ki mbesonjo ila niyom, mi kokototo ituyom, mi kaparmbesmbeeze piom. Pa sua ki Merere iso ta kembei:

Zin wal ta tipakurkur zitun na, Anutu iurur koi pizin.

Mi zin wal tau tikototo zitun na, ni ikampewe zin.✧

<sup>6</sup> Anutu, ni mbura keskeezenjana, mi namaana alalajana. Tana kapase pini, mi kezem ituyom ila ni namaana. Naso kaimer, sombe ka nol ipet, to ni ipakur yom.✧

---

✧ **5:2:** Yo 10:11+, 21:15+; Ngo 20:28; 1Tim 3:3; Tit 1:7 ✧ **5:3:** 1Kor 11:11; Pil 3:17; 1Tim 4:12; Tit 2:7 ✧ **5:4:** 1Kor 9:25; 2Tim 4:8; Ibr 13:20; 1Pe 1:4 ✧ **5:5:** Mt 23:12; Yo 13:14; Ep 5:21; Pil 2:3; Yems 4:6 ✧ **5:6:** Lu 1:52, 18:14; Yems 4:10

<sup>7</sup> Mi pataŋana tiom boozomen tau kopoyom rru pa i ta kembena. Kezem la Anutu namaana. Pa ni ikamam ngar biibi piom mi mataana piom.✧

<sup>8</sup> Kozo kakam kat ngar, kagabiizi ituyom, mi motoyom ize. Pa Tomtom Sanaana, ta koyom koi ŋonoono, ni iwwa kembei laion tau kalŋaana izalla mi irru tomtom be ikani.✧

<sup>9</sup> Tana kikiskis kat urlaŋana tiom, kemender mbolŋana, mi koporou be kokoto i. Pa niom kuute: Toŋmatiziŋ tiom ta ki Kriŋi i, tibadbaada pataŋana kembei ta niom na irao lele ta boozomen.✧

### *Sua pombolŋana*

<sup>10</sup> Anutu ta kampeŋana katuunu, ni iboobo yom ma kewe Kriŋi lene kek, bekena ikam yom ma kala kombot raami lela azuŋka kini leleene ma alok. Pataŋana ta kabadbaada i, ko imbot rimen mi imap. Mi kaimer na, Anutu itunu ko iurpe yom ma karao kat pa mbulu kini, mi ipombol yom be kemender mbolŋana ma irao kosa sa itok yom mini som.✧

<sup>11</sup> Ni mbura keskeezeŋana, mi peeze kini imbotmbot ma alok. Ŋonoono.

### *Sua pemetŋana*

<sup>12</sup> Silas ta iuulu yo ma aŋbeede ro katŋaari ti ima piom na, nio aŋre i kembei toŋmatiziŋ tio ŋonoono ta iurla kat ki Kriŋi i. Ro ti, nio aŋbeede bekena aŋpaute yom pa kampeŋana ŋonoono ki Anutu, mibe aŋpombol yom ma kikis kat kampeŋana kini tana.✧

---

✧ **5:7:** Mbo 37:5; Mt 6:25+; Pil 4:6 ✧ **5:8:** Lu 21:36, 22:31; 2Kor 2:11; 1Tes 5:6; Tur 12:12 ✧ **5:9:** Ŋgo 14:22; Ep 4:27, 6:11+; Yems 4:7 ✧ **5:10:** 2Kor 1:21, 4:17; 1Tim 6:12; Ibr 13:21; 1Pe 1:6 ✧ **5:12:** 2Kor 1:19; 1Tes 1:1

13 Zin tomtom tau Anutu ipeikat zin ma tiwe lene kembei ta niom, mi timbotmbot kar Babilon ti na, \* tikam aigule kizin piom. Mi lutuŋ Markus tomini ikam aigule kini piom.✧

14 Niom ta boozomen leleyom par piom mi kapartege nomoyom.

Niom wal ta kewe Kresi lene kek mi kesekap la kini na, Anutu ko imboro yom ta boozomen ma kombot ambai men. Nonoono.✧

---

\* **5:13:** Wal ngarŋan tiso Babilon ti imender pa kar biibi Rom.

✧ **5:13:** Nŋgo 12:12, 13:5,13, 15:37+; 2Tim 4:11 ✧ **5:14:** Ro 16:16

**Anutu Sua Kini Potomaxana  
Genesis, Exodus, Ruth, Psalms, Proverbs, Jonah, and  
The New Testament in the Mbula Language of Papua  
New Guinea  
Sampela hap Buk Baibel long tokples Mbula long  
Niugini**

Copyright © 1996 The Bible Society of Papua New Guinea

Language: Mbula

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2017-08-31

---

PDF generated using Haiola and XeLaTeX on 18 Apr 2025 from source files dated 31 Aug 2023

a815c47a-4c36-5240-a396-70cbd5e9b593